

公餘六種

凡例

一是書前曾托名葉天士今特收回

是書論證治法悉遵古訓絕無臆說浮談以時法列於前仲師法列於後由淺入深之意也

一坊刻萬病回春嵩崖尊生古今醫統東醫寶鑑等書所例病證不可謂不詳而臨時查對絕少符合卽有合處亦不應驗蓋以逐末而忘其本也誠觀內經難經傷寒論金匱要畧每證只寥寥數語何所不包可知立言貴得其要也此書如怔忡頭痛歷節諸證非遺之也怔忡求之虛癆頭痛有邪求之傷寒無邪求之眩暈虛癆歷節尋其屬風屬濕屬虛而治之所以貴活法也

一學醫始基在於入門入門正則始終皆正入門錯則始終皆錯是書闡明聖法爲入門之準不在詳備若得其秘訣未嘗不詳備也有證見於此而治詳於彼者有論此證而彼證合而彼論者有論彼證絕未明言此證而卽爲此證之金鍼者實無他訣唯其熟而已熟則生巧自有左右逢原之妙

一論中所列諸方第三卷第四卷俱載弗遺唯傷寒論金匱要畧方非熟讀原文不能領會此書偶有關而未載者欲人於原文中尋其妙義闕之卽所以引之也閱者鑒子之苦心焉

一方後附論或採前言或錄一得視諸書賸簡括閱者自知

醫有三

靈素及仲景諸經之旨藥到病瘳曰名醫講求唐宋以後方書按證施治功多過少曰時醫標掠前醫套談模稜以文其過迎合而得其名曰市醫醫之不同如此余友陳修園精通醫理閉門注經以正千古相沿之談念當世名醫既不數覲市醫又不可與言唯於時醫中有誘掖無已之心仕保陽公餘著有時方歌括二卷時方妙用四卷出以示余余讀之或連篇累牘而不繁或寥寥數語而不漏一字一句皆古聖賢之心法從時卽從古也爰爲叅訂圈點顏曰公餘醫錄從前授梓公之海內云

凡例

一明藥性者。始自神農而伊尹配合而爲湯液。仲景傷寒金匱之方。卽其遺書也。闡陰陽之秘。洩天地之藏。所以效如桴鼓。今人不敢用者。緣唐宋以後諸家之臆說盛行。全違聖訓。查對與經方所用之藥不合。始疑之。終且毀之也。

一神農本草藥止三百六十品。字字精確。遵法用之。其效如神。自陶宏景以後。藥味日多。而聖經曰晦矣。張潔古李東垣輩分經專派。徐之才相須相使。相惡相反等法。皆小家伎倆。不足言也。是刻只錄一百餘種。其餘不常用與不可得之品。闕之。其注解俱遵原文。逐字疏發。經中不遺一字。經外不溢一辭。

本草綱目 凡例
一是刻只錄時用之藥其品第及字樣不盡遵舊本攷陶隱居本草有朱書墨書之別朱書爲神農本經墨書爲名醫別錄開寶間重定印本易朱書爲白字茲因其近古而遵之○是刻遵古分上中下三品別錄等本採附于后

一藥性始于神農用藥者不讀本草經如士子進場作制藝不知題目出于四子書也渠輩亦云藥性大抵係珍珠囊藥性賦本草備要及李時珍本草綱目之類雜收眾說經旨反爲其所尚可云本草耶

一近傳本草崇原越之張隱菴著也本草經解吳之葉天士著也二書超出諸羣書之上然隱菴專言運氣其立論多失于蹈虛天士

後叙

上古聖人仰觀天之六氣俯察地之五行辯草木金石禽獸之性而合於人之五臟六腑十二經脈著爲本草經詞古義深難于窺測漢季張長沙傷寒論金匱要畧多採中古遺方用藥之義悉遵本經應驗如響自李唐而後千金外臺等書有驗有不驗者蓋與本經之旨有合有不合也沿及宋元諸家師心自用藥品日增經義日晦只云某藥治某病某病宜某藥因陋就簡愈趨愈下而流毒之最甚者莫如宋之雷斅竊古聖之名著爲炮製顛倒是非不知本經爲何物潔古曰華東垣輩因之而東垣純盜虛名無稽臆說流傳至今無有非之者李瀕湖綱目卷帙浩繁徒雜採世俗之說以多爲貴不無喧客

奪主之嫌汪認菴照綱目而約爲備要逐未忘本不足道也余友

廉孝

陳脩園精通醫學起死回生指不勝屈前著有本草經註六卷字櫛
句解不遺剩義繕本出紙貴一時茲復著本草經讀四卷視前著又
高一格俱從所以然處發揮且以回經之旨金匱傷寒之法融貫于
中一書堪爲醫林之全書洵神農之功臣也余自暑年以慈闈多病
矢志于醫因本草向無善本集張隱菴葉天士陳修園三家之說而
附以管見名爲本草經三註而集中唯脩園之說最多今得脩園之
本草經讀則余三注之刻可以俟之異日矣喜其書之成而爲之序

囿于時好其立論多失于膚淺而應菴間有精實處天土間有超脫處則脩園謝不敏矣故茲刻多附二家之註

一上古有司歲備物謂得天地之專精如君相二火司歲則收取薑

桂附子之熱類如太陽寒水司歲則收取黃芩大黃之寒類如太

陰土氣司歲則收取莨菪朮參苓山藥黃精之土類如厥陰風木司

歲則收取羌活防風天麻鈎藤之風類如陽明燥金司歲則收取

蒼朮桑皮半夏之燥類蓋得主歲之氣以助之則物之功力倍厚

中古之世不能司歲備物故用炮製以代天地之氣如製附子曰

炮助其熱也製蒼朮曰炒助其燥也製黃連以水浸助其寒也今

人識見不及每用相反之藥而反制之何異束縛手足而使之戰

鬪哉侶山堂之說最精故節錄之○按製藥始于雷公炮製荒謬難以悉舉要知此人名數宋時人非黃帝時之雷公也

一熟地黃枸杞取其液也市醫炒鬆則上浮燒灰則枯燥矣附子乾薑取其烈也市醫泡淡則力薄炮黑則氣浮矣以及竹瀝鹽鹹枳實之類皆庸醫兩可之見不足責也至于棗仁生則令人不眠熟則令人熟睡黃芪生用則托裏發汗炒熟則補中止汗麥門冬不去心令人煩燥桑白皮不炒大瀉肺氣之類數百年相沿之陋不得不急正之

一本經每藥主治不過三四證及六七證而止自古聖人洞悉所以然之妙而得其專長非若後世諸書之泛泛也最陋是李時珍綱

自泛引雜說而無當李士材汪認菴每味必摘其所短俱是臆說
反啟時輩聚訟紛紛脩園爲活人計不得不痛斥之

一神農嘗草而作本草經實無可考其爲開天明道之聖人所傳張
仲景華元化起而述之陶隱居之說不誣也漢時去古未遠二公
爲醫中之傑遵所聞而記之謂非神農所著可也謂爲神農所著
亦可也

一每藥注解必透發出所以然之妙求與內經難經仲聖等書字字
吻合而後快古云羣言殽亂衷于聖願同志者取法乎上

神農本草經讀目錄

卷之一

上品

人參

黃耆

白朮

附蒼朮

甘草

薯蕷

肉蓯蓉

地黃

附熟地黃

天門冬

麥門冬

細辛

柴胡

黃連

防風

續斷

牛膝

巴戟天

石斛

澤瀉

五味子

薏苡仁

卷二

上品

兔絲子

葳蕤

沙參

遠志

菖蒲

赤箭

附天麻

車前

羌活

附獨活

升麻

茵陳

菊花

龍胆草

紫蘇

附子梗旁小梗

藕實

雞頭實

黑脂麻

益母草

茜草

茯苓

猪苓

牡桂

即桂枝薄桂皮

菌桂

橘皮

附陳皮醬

枸杞

木香

杜仲

桑根白皮

桑上寄生

槐實

柏實

大棗

朴硝

附硝石

丹砂

滑石

紫石英

赤石脂

附五色

禹餘糧

髮髮

龍骨

阿膠

白膠

牛黃

麝香

石蜜

龜板

牡蠣

桑螵蛸

卷三

中品

乾薑

生薑

葱白

當歸

芎藭

淫羊藿

荊芥

麻黃附根節

葛根

附葛穀

黃芩

元參

丹參

丹皮

防己

狗脊

秦艽

知母

貝母

桔樓

芍藥

木通

白芷

苦參

紫苑

水萍

欵冬花

厚樸

梔子

枳實

黃蘗

山茱萸

吳茱萸

杏仁

烏梅

犀角

麝羊角

卷四

中品

鹿茸

附角

鼈甲

白殭蠶

蚱蟬

石膏

下品

附子

半夏

大黃

桃仁

旋覆花

桔梗

葶麻子

連翹

夏枯草

代赭石

附錄

何首烏

延胡索

肉豆蔻

補骨脂

白豆蔻

縮砂仁

鬱金

神麴

藿香

前胡

紅花

香附

金櫻子

茯神

丁香

蜀椒

沉香

烏藥

琥珀

竹茹

竹瀝

青橘皮

木瓜

枇杷葉

龍眼肉

小麥

馬料豆

綠豆

菹豆

穀芽

附麥芽黍芽豆黃卷

豆豉

飴糖